

ANTIKORUPCIJSKA
MREŽA ORGANIZACIJA
CIVILNOG DRUŠTVA

ACCOUNT



+,; 8]*6*8 *>6*8757,m
"& 8=<*7<7..6? .+7+: *B*, B*8757,

Žene kandidatkinje na Opštim izborima 2018. godine u Bosni i Hercegovini samo su sjena svojih muških kolega, a njihov najveći problem je **nevidljivost i nejednakopravnost**, zaključile su predstavnice **Udruženja građanki Grahovo, Fondacije INFOHOUSE, Fondacije CURE i Centra ženskih prava** na Drugom debatnom Forumu kandidatkinja sa izbornih lista na Općim izborima 2018. godine održanom u Sarajevu.



Drugi debatni forum kandidatkinja sa izbornih lista na Općim izborima, Sarajevo

Cilj projekta „Pravna pomoć kandidatkinjama na Općim izborima u oktobru 2018“ je zaštita prava žena u politici u Bosni i Hercegovini kao i povećanje pravne zaštite kandidatkinja u slučaju povrede njihovih izbornih prava, prije i poslije izbora.

Direktorica Udruženja građanki Grahovo, Danka Zelić, kazala je kako su se danas okupile kako bi vidjele da li su i koliko kandidatkinje zadovoljne rezultatima na ovogodišnjim izborima. Podsjetila je kako je ovo udruženje prije samih izbora organizovalo forum sličan današnjem, ali u Banjaluci. Tada su promovisali projekat pravne pomoći kandidatkinjama na izborima i to pod sloganom „Skinu lažno lice politike“.

Na forumu je predstavljena analiza „Gdje su žene na izborima u BiH“ koja je pokazala kako žene nisu uspjele poboljšati situaciju sa dodjelom mandata u odnosu na Opšte izbore 2014. godine.

Na forumu je predstavljena analiza „Gdje su žene na izborima u BiH“ koja je pokazala kako žene nisu uspjele poboljšati situaciju sa dodjelom mandata u odnosu na Opšte izbore 2014. godine.

- Dolazimo do zaključka kako političke partije još uvijek nisu prepoznale žene kao jednakopravne u tom smislu - kazala je.

Osnovni zadatak predstavnica nevladinih organizacija koje su kandidatkinje na listama za opšte izbore.

Informisali smo građanke, kandidatkinje na radionicama i seminarima o mogućnosti dobijanja ovakve vrste pomoći i njihov interes je bio vrlo značajan, kazala je PR Centra ženskih prava Duška Andrić.

- Većina njih je izjavila kako se osjećaju sigurno jer znaju da neko stoji iza njihovih leđa - naglasila je.

Između ostalog, istaknula je da je obrazac za besplatnu pravnu pomoć na web stranici Centra ženskih posjećen 372 puta, te da se 20 kandidatkinja Centru obratilo putem e-maila ili telefonom.

- Međutim, prava pravna pomoć kreće onog momenta kada vi ostavite svoje lične podatke i kad krenete u proces. Imali smo tri kandidatkinje koje su se odlučile da pokrenu nešto. To je još uvijek u toku, a dokle će one ići je njihovo pravo i sloboda - rekla je.

Kandidatkinje su postavljale brojna pitanja, kazala je Andrić, a samo neka od njih su razlozi napada stranačkih kolega, pitanja verbalnog šikaniranja i iznošenja neistina putem medija i društvenih mreža.

Dženana Alađuz, direktorica fondacija INFOHOUSE kazala je da našim muškarcima, liderima političkih partija ne pada na pamet da ostave svoje pozicije, čak i kada je u pitanju dodjela kompenzacijskih mandata.

Istakla je da žene ipak snose dio odgovornosti, a razlog je to što mnoge od njih koje budu postavljene na kandidatsku listu, nikad nisu pročitale Zakon o ravnopravnosti spolova BiH.

- Svaka stranka mora da primjenjuje ovaj zakon u svojim statutarnim i drugim dokumentima, ali s druge strane, čak i da su kandidatkinje detaljno upoznate sa zakonom, ako stranka ne pruži finansijsku pomoć za reklamu, kako će onda iko glasati za njih? - rekla je Alađuz.

O rezultatima komunikacije sa učesnicama ovog projekta govorila je direktorica Fondacije CURE Jadranka Miličević.

Kazala je kako je ova fondacija imala predizborne treninge u Tuzli, Sarajevu i Banjaluci, na kojima je sudjelovalo tačno 66 žena, i sve su bile kandidatkinje na izborima.

- Nama je bilo važno što smo sve njih kontaktirali poslije izbora, a od 43 kandidatkinje od kojih smo dobili povratne informacije, njih četiri su se uspjele izboriti za svoju poziciju - istakla je Miličević.

Da se položaj žena u političkom životu popravlja potvrdila je to i Ismeta Dervoz, nekadašnja zastupnica u PS BiH, međutim, istaknula je da ni demokratizacija partija kao ni potpuna ravnopravnost spolova u BiH nije postignuta.

- Očigledno je da mi još uvijek živimo u muškom svijetu u kojem malo teže dolazimo do mogućnosti da pokažemo sva znanja, ali na najtežim mjestima, tamo gdje se najviše radi i gdje je potrebno najviše angažmana provedenog na radnom mjestu, su uvijek žene - naglasila je, te dodala kako naše žene imaju i znanja i sposobnosti, samo ih trebaju na pravi način upotrijebiti.

Sudionice Foruma su saglasne da samo kao ravnopravno društvo sa jednakim mogućnostima i pravima, možemo govoriti o stabilnoj ekonomskoj, političkoj, društvenoj i kulturološkoj budućnosti BiH. Također, kroz projekte kao što je ovaj, treba nastaviti pružati podršku ženama u politici, osnažiti ih da traže i štite svoja prava.

SARADNJA ACCOUNT-a I AGENCIJE ZA JAVNE NABAVKE BiH

• HKMUPCRTIQLGPCNG KJNVKVBKFCPVKIKMFKCNQXREKG

Tumačenje i primjena Zakona o javnim nabavkama za predstavnike pravosudnih institucija i dalje predstavljaju izazov u praksi. Šta definiše Zakon o javnim nabavkama BiH, a koje novine predviđa Nacrt zakona o izmjenama i dopunama Zakona o javnim nabavkama; koje su najčešće povrede i oblici kršenja Zakona; kako se provodi monitoring postupaka javnih nabavki, te kako podaci monitoringa mogu biti od koristi tužiocima za vođenje istraga - ključne su teme edukativnog programa "Sistem javnih nabavki u BiH: Efikasna primjena legislative i identifikacija korupcije", koji je organizovao ACCOUNT u saradnji sa Agencijom za javne nabavke BiH, u Doboju, 30-31. oktobra 2018. godine.

Organizacijom ovog događaja, ACCOUNT je pružio mogućnost tužiocima da uspostave efikasniju saradnju sa Agencijom za javne nabavke i nevladinim sektorom, u cilju prevencije zloupotreba u sistemu u javnih nabavki, efikasnije primjene legislative, pravovremene identifikacije korupcije u postupcima javnih nabavki, te efikasnijeg procesuiranja kršenja zakona.

U fokusu diskusije primarno su bili uloga inspektorata za javne nabavke, pokretanje prekršajnih prijava, identifikacija elemenata krivičnog djela u provođenju postupaka javnih nabavki, korištenje podataka koji su dostupni na Portalu javnih nabavki za eventualno pokretanje tužilačkih postupaka i vođenje istraga, te tužilačka iskustva iz prakse vođenja predmeta koji se odnose na zloupotrebe javnih nabavki.



Edukativni program Account-a

;*.*-63**,,7-6<CK& 734*3; 2.



U saradnji sa projektom Justice, ACCOUNT je učestvovao na XI Stručnom savjetovanju tužilaca u Bosni i Hercegovini, na panelu – *Korupcija, privredni i organizovani kriminal*. Savjetovanje je održano u Neumu, 2. i 3. oktobra 2018. godine.

SEKTORSKA GRUPA ZAPOŠLJAVANJE – PROMOCIJA AKTIVNOSTI



Helsinški odbor za ljudska prava

BiH, 76 300 Bijeljina, Poštanski fah 126

E-mail: helcomm@teol.net

Web: <http://helcommrs.org>

FB: Helsinški odbor za ljudska prava /

Helsinki Committee for human rights

Tel: +387 55 419 274

Fax: +387 55 210 851

Mob: +387 65 539 499

+387 65 604 962

Хелсиншки одбор за људска права

Helsinški odbor za ljudska prava je u okviru projekta „*Jednake šanse – transparentnost u zapošljavanju u javnom sektoru III*“ u prethodnom periodu izradio Analizu zakonodavnog okvira u oblasti zapošljavanja u javnom sektoru u ukupno sedam kantona u BiH (*Posavski, Bosansko-podrinjski, Tuzlanski, Srednjo-bosanski, Zeničko-dobojski, Unsko-sanski kanton i Kanton 10*). U cilju prezentovanja nalaza analize održane su konferencije za medije u navedenim kantonima tokom septembra. Konferencijama su prisustvovali predstavnici kantonalnih timova za borbu protiv korupcije, organizacija civilnog društva, medija i predstavnici lokalnih vlasti.



Press konferencija Zenica

ANTIKORUPCIJSKA MREŽA U BIH

Analiza zakonodavnog okvira u oblasti zapošljavanja u Zeničko-dobojskom kantonu

OTPORNI NA ŠTELU ACCOUNT

✓ Federalni propisi koji su na snazi su NEPRECIZNI i po svojoj opštosti nisu namijenjeni za primjenu na kantonalnom nivou;

<p>DISKRECIONO PRAVO RUKOVODIOCA</p> <p>Rukovodilac ima diskreiono pravo da odabere bilo kog kandidata bez ikakvog objektivnog kriterijuma, kao i bez obzira na ostvarene rezultate na testu;</p>	<p>SASTAV KOMISIJE</p> <p>Komisiju čine tri osobe koje su direktno odgovaraju rukovodiocu organa;</p>
<p>NEMA PRAVA ŽALBE</p> <p>Kandidatima koji nisu izabrani nije ostavljena mogućnost da svoja prava štite u žalbenom postupku;</p>	<p>NETRANSARENTNOST INTERVJUA</p> <p>Nemogućnost kontrole kvaliteta odgovora, nepostojanje javnosti koja bi učestvovala kao korektivni element, kao i mogućnost postavljanja unaprijed dostavljenih pitanja kandidatima;</p>

Više informacija na www.account.ba

Predstavljamo rezultate monitoringa korupcije



ACCOUNT monitoring timovi proveli su istraživanja o korupciji u javnom sektoru Bosne i Hercegovine.

Udruženje Justicia, lider ACCOUNT monitoring tima “Javne nabavke”, u saradnji sa članicama: CROA, Kvant, ALDI i KAM, realizovalo je “**Monitoring riješenih žalbenih postupaka od strane Ureda za razmatranje žalbi**”. Istraživanje nudi odgovore na pitanja kako ugovorni organi provode nabavke, na šta se najčešće žale ponuđači, kako postupa Ured za razmatranje žalbi, kolika je cijena kršenja Zakona o javnim nabavkama.

Centar za građansku suradnju iz Livna, u partnerstvu sa GUŽ “Duvanjske” i CRCDD iz Doboja, je proveo istraživanje “**Monitoring zapošljavanja u kantonalnim i općinskim institucijama i poduzećima u Kantonu 10, Hercegovacko-neretvanskom kantonu i Tuzlanskom kantonu**”.

Centar ženskih prava iz Zenice, lider ACCOUNT Monitoring tima u sektoru obrazovanja, ispitivao je **koruptivne prakse na visokoškolskim ustanovama**. Istraživanje je provedeno među 600 studentica i studenata sa 29 fakulteta univerziteta u Zenici, Banjaluci i Sarajevu. Rađeno je u partnerstvu sa FRD i Resursnim centrom Brčko.

U sektoru zdravstva ACCOUNT je proveo “**Monitoring procesa nabavki lijekova, medicinske opreme i materijala**”. Aktivnost je obuhvatila 30 bolnica, 12 ministarstava, dva fonda i 37 zavoda zdravstva širom BiH. Istraživanje je proveo FRD u saradnji sa SOS Brčko.

CRCDD iz Doboja je proveo “**Monitoring primjene Zakona o zaštiti lica koja prijavljuju korupciju u Republici Srpskoj**”. CRCDD je uradio istraživanje u partnerstvu sa članicama ACCOUNT-a: Justicia, Resursni centar Brčko, Stop Mobing i ToPeer.

Rezultate monitoringa koruptivnih praksi u sektorima obrazovanja, zdravstva, javnih nabavki, zapošljavanja i sektoru zaštite prijavitelja korupcije možete preuzeti - [ovdje](#)

DODIJELJENI NOVI SEKTORSKI GRANTOVI

Dodijeljena su nova grant sredstva u vrijednosti do \$12,500 (po grantu) organizacijama Justicia, Centar za razvoj omladinskog aktivizma (CROA), ICVA, i Helinški odbor za ljudska prava u projektnim sektorima i grant sredstva u vrijednosti do \$5,000 (po grantu) organizacijama Udruženje za lokalne razvojne inicijative (ALDI), Centar za građansku suradnju (CGS), Udruženju KAM i Helsinskom odboru za ljudska prava za izradu antikoruptivnih akcionih planova na lokalnom nivou.

Sektor zviždači: UG JUSTICIJA

UG JUSTICIJA na čelu je sektorske grupe Zviždači i u proteklom periodu, još od 2013. godine, predstavnici ove organizacije snažno se bore za donošenje i usvajanje zakona koji će štititi prijavitelje korupcije u Bosni i Hercegovini ali i na nivou entiteta, što ima determinirajući efekat na efikasnije sprečavanje i sankcionisanje korupcije u javnom sektoru.

AKTIVNOSTI

Aktivnosti će biti usmjerene na javno zagovaranje donošenja i usvajanja Zakona o prijaviteljima korupcije FBiH, čime bi pravna zaštita prijavitelja korupcije bila uspostavljena na nivou cijele države Bosne i Hercegovine. Osim toga, radit će se na promociji Zakona o zaštiti prijavitelja korupcije u RS, kao i na unapređenju zakonskih rješenja na državnom nivou.

OČEKIVANI REZULTATI

JUSTICIJA će i u narednom periodu nastaviti saradnju sa ministarstvima pravde na svim nivoima. Zalagat će se za dopune postojećih zakona za zaštitu prijavitelja korupcije ali će raditi i na predlaganju novih zakonskih rješenja te se snažno zalagati za usvajanje i primjenu Zakona o zaštiti prijavitelja korupcije FBiH. Također, radit će na inicijativama za dodjelu besplatne pravne pomoći prijaviteljima korupcije u saradnji sa ministarstvima pravde na državnom, nivou RS, kao i kantonalnim nivoima, kao i oslobađanja sudskih taksi prijavitelja korupcije u Federaciji BiH.

Sektor obrazovanje: Centar za razvoj omladinskog aktivizma CROA

Centar za razvoj omladinskog aktivizma CROA članica je Antikorupcijske mreže ACCOUNT, a u protekloj godini CROA je apliciranim projektom "Prevenција korupcije u obrazovanju: Više znanja, više transparentnosti" dobila status liderske organizacije u Sektoru obrazovanja. Do sada su antikoruptivni časovi održani u 75 osnovnih i srednjih škola u Hercegovačko-neretvanskom kantonu, Kantonu Sarajevo i Srednjobosanskom kantonu u FBiH, u regionima Bijeljine i Trebinja u RS-u kao i Brčko Distriktu.

AKTIVNOSTI

Ciljevi i aktivnosti u ovoj godini bit će usmjerene na osiguranje podrške svih relevantnih strana i njihovo aktivno uključenje u borbu protiv korupcije u obrazovanju. Projekat će se provoditi u Bosansko-podrinjskom kantonu, Tuzlanskom kantonu i Posavskom kantonu.

OČEKIVANI REZULTATI

Cilj projekta Prevenција korupcije kroz obrazovanje: Više znanja, više transparentnosti jeste da kreira povoljan ambijent za uvođenje obrazovanja iz oblasti etike i antikorupcije u nastavne programe. Promjena percepcije mladih o korupciji glavni je razlog za uvođenje antikoruptivnih časova u osnovnim i srednjim školama u Bosni i Hercegovini. Koja je uloga mladih u antikoruptivnom obrazovanju kao i način na koji obrazovanje utječe na promjenu njihovog ponašanja dvije su centralne teme projekta ACCOUNT u sektoru obrazovanja. Obrazovni sistem koji promovira borbu protiv korupcije predstavlja snažan instrument za vršenje pritiska na institucije da rade odgovornije, transparentnije i spriječe pojavu korupcije.

Sektor zdravstvo: ICVA

Udruženje Inicijativa i civilna akcija (ICVA), sa javnim zdravstvenim ustanovama u Kantonu Sarajevo, Zeničko-dobojskom i Bosansko-podrinjskom kantonu, u proteklom su periodu radili na uvođenju antikoruptivnih pravila i procedura. Iste pravilnike sada će predstaviti i u Tuzlanskom kantonu kako bi skrenuli pažnju zdravstvenim radnicima o potrebnju transparentnosti u radu.

AKTIVNOSTI

Izrada prijedloga/nacrta pravilnika za sprječavanje korupcije, povećanje transparentnosti i unaprjeđenje odnosa prema korisnicima usluga u zdravstvenim ustanovama u TK je, među ostalim, jedna od aktivnosti. Osim toga, planirana je organizacija antikorupcijskog Forumu na koji će biti pozvani predstavnici svih partnerskih javnih zdravstvenih ustanova.

OČEKIVANI REZULTATI

Izrada i provođenje antikoruptivnih pravila i procedura i uspostavljanje dijaloga sa predstavnicima javnih zdravstvenih ustanova, centralna je tema u sektoru zdravstva projekta ACCOUNT. Pravilnici uvode mjere koje treba da doprinesu sprječavanju korupcije u oblastima koje su najpodložnije korupciji u sektoru zdravstva, kao što su javne nabavke, zapošljavanje, liste čekanja, medicinski pregledi/zdravstvene usluge, ali i da utječu na kvalitet zdravstvenih usluga i promjenu percepcije građana/pacijenta o korupciji u zdravstvu.

IZRADA ANTIKORUPTIVNIH PLANOVA NA LOKALNOM NIVOU

Posljedice korupcije u praksi su loše javne usluge, povećana socijalna polarizacija, neučinkovitost u javnim uslugama, niska ulaganja u općinu, smanjenje ekonomskog razvoja, loše postupanje općinskih službenika... Iako ne postoji jedinstven recept za borbu protiv korupcije na lokalnom nivou, izrada antikorupcijskih akcionih planova pokazala se kao dobar preventivni format.

Slijedom izrade akcionih planova za borbu protiv korupcije na lokalnom nivou u 28 izabranim općina/gradova u Federaciji BiH i Republici Srpskoj, u trećem ciklusu Programa malog granta leaderske organizacije Udruženje za lokalne razvojne inicijative (ALDI), Centar za građansku suradnju (CGS), Udruženju KAM i Helsinškom odboru za ljudska prava, koje su pokazale zavidan nivo znanja i vještina

potrebnih za realizaciju ove aktivnosti, radit će na izradi antikoruptivnih akcionih planova u 12 novih općina/gradova (Fojnica, Kiseljak, Kreševo, Ravno, Jablanica, Vitez, Kladanj, Doboj Istok, Tešanj, Busovača, Maglaj i Doboj Jug). Pri tome, leaderske organizacije će koristiti već uspostavljenu metodologiju za izradu ovih planova, koja, između ostalog, sadrži potpisivanje memoranduma o saradnji sa izabranim općinama/gardovima, formiranje radnih grupa, (samo)procjenu oblasti koje su najpodložnije koruptivnim rizicima, kvantitativnu i kvalitativnu analizu, identifikaciju strateških ciljeva i mjera, i naposljetku izradu i usvajanje antikoruptivnih akcionih planova. Nakon završetka projekta, ova metodologija će biti stavljena na raspolaganje svim zainteresovanim općinama/gradovima u BiH na dalje korištenje.



Hronologija prevare: Centralna izborna krađa


Online magazin Žurnal razotkriva [nepravilnosti i zloupotrebe u režiji Centralne izborne komisije BiH](#), ukazuje na [nezakonitost izbora predsjednika Centralne izborne komisije BiH](#), [nedosljednosti u odlučivanju Centralne izborne komisije BiH](#), [upozorava na opasnost kršenja Ustava FBiH od strane Centralne izborne komisije BiH](#) i [mogućnost političke zloupotrebe Doma naroda FBiH](#).

The screenshot shows the website interface for Žurnal. At the top left is the logo 'Žurnal' and the date 'Ponedjeljak, 19. Novembar 2018.'. To the right is the slogan 'JEDINA SLOBODNA TERITORIJA' and social media icons for Facebook, Twitter, YouTube, and RSS. Below this is a red navigation bar with categories: DRUŠTVO, ŽIVOT, INTERVIEW, KOLUMNINE, KULTURA, NOVAC, SPORT, SVIJET, MEDIJI, AFERA, JAVNE NABAVKE, VIDEO. A search icon is on the right. Below the navigation bar is a featured article banner for 'Novi film TV Žurnala "RUŠEVINE RADNIČKE KLASE"'. The main article is titled 'HRONOLOGIJA PREVARE : Centralna izborna krađa' with a sub-header 'IZBORI 2018'. It includes social media share buttons (Facebook, 919, Twitter, YouTube, Email) and a publish date 'Objavljeno: 09.10.2018. u 20:36h'. The article text begins: 'Dva dana prije izbora kompanija bliska HDZ-u dobila od CIK-a posao „održavanja baze podataka i sistema za zaštitu i pohranu“. Firma Atlantik koja je štampala listiće godinama dobijala više papira nego što je ugovoreno. Ruska Federacija platila treni Hadžiabdić službeni put u Moskvu.' Below the text is a large group photo of people in formal attire. To the right of the photo is a sidebar with 'Najnovije iz kategorije >' and three news snippets: 'VLASNIKU POVLASTICE, OBAVEZE IZBJEGNUTE: Šta su radnici i država dobili prodajom zeničke željezare?', 'KO MOŽE PREDAVATI NA SARAJEVSKOM MEDICINSKOM FAKULTETU: Različiti kriteriji za profesorski angažman Sebiže Izetbegović', and 'KONJI NA ČEKANJU: Lukačeve želje preskupe za MUP RS'.

ŽURNAL DOKAZUJE: Kriminalna pozadina problema u Aluminiju

Novinari Žurnala su istraživali zašto je [ugrožena proizvodnja u Aluminiju u Mostaru](#), te kako [javna preduzeća blokiraju njegov rad](#). Također, donosimo [istraživačku priču o odnosima rukovodstva SDP-a BiH i ruskih kompanija, a vezano za aferu Bosnalijek](#).

Žurnal istražuje o [milionskim troškovima za opremanje nepostojećih timova u Federalnoj upravi civilne zaštite](#), te [kršenju zakona u BiH koji regulišu oblasti zaštite i spašavanja od strane Federalne uprave civilne zaštite](#). Istraživali smo o [kreditnim zaduženjima za izgradnju autoputa 9. januar](#), [izgradnji štala za policijske konje MUP-a RS](#), [podjeli budžetskih sredstava od strane Ministarstva obrazovanja KS kupovini glasova za izbore](#), [uništavanju privrede u Livnu](#), [zapošljavanju u Tuzlanskom kantonu](#), [tenderima dodijeljenim firmi koja je optužena za utaju poreza nezakonitom otvaranju novog smjera na Univerzitetu u Tuzli](#), [tenderima Vlade RS](#), [nenamjenskoj potrošnji Međureligijskog vijeća BiH](#), te [pomilovanju ubice od strane predsjednika FBiH](#).



ISTRAGA



STRUJNI UDAR: Dodikov i Čovićev završni napad na Aluminij

Objavljeno: 15.10.2018. u 13:16h

Račune Aluminija i AL TRADE-a blokirala tri javna preduzeća kojima upravljaju kadrovi HDZ-a BiH i SNSD-a. Krajnji cilj je dokapitalizacija, te konačno rusko preuzimanje mostarske kompanije



Najnovije iz kategorije >

VLASNIKU POVLASTICE, OBAVEZE IZBJEGNUTE
Šta su radnici i država dobili prodajom zeničke željezare?

KO MOŽE PREDAVATI NA SARAJEVSKOM MEDICINSKOM FAKULTETU
Različiti kriteriji za profesorski angažman Sebije Izetbegović

KONJI NA ČEKANJU
Lukačeve želje preskupe za MUP RS


ACCOUNT MEDIA POOL OTKRIVA I ISTRAŽUJE

Priča o korupciji u različitim oblastima

U toku oktobra ACCOUNT Media pool je objavio tri istraživačke priče. Novinari ACCOUNT Media poola su istraživali o [nelegalnoj prodaji grobnih mjesta u Sarajevu](#) i [pozadini te prodaje, te o odnosu vlasti u RS prema sukobu interesa](#).

Članice ACCOUNT Media će u narednom periodu nastaviti sa istraživačkim pričama o korupciji. Članice ACCOUNT Media poola su: Capital.ba, Buka, eTrafika, Gerila, Inforadar, Moja Hercegovina, Tačno.net, B1 Info, Frontal.ba, Direkt, Impuls.





Antikoruptivne vijesti ACCOUNT-ovih partnera

OKRUGLI STO U ORGANIZACIJI TIMA VLADE ZDK: RAZMJENOM ISKUSTAVA DO EFIKASNIJE BORBE PROTIV KORUPCIJE

27. novembar 2018

Tim Vlade Zeničko-dobojskog kantona za borbu protiv korupcije u saradnji sa Ministarstvom pravde Republike Srpske, organizovao je u Zenici okrugli sto o temi "Institucionalni strateški i pravni okvir za borbu protiv korupcije u Republici Srpskoj i Zeničko-dobojskom kantonu - iskustva i dobre prakse".

"Ovo je jedan od rijetko dobrih primjera saradnje Vlade Republike Srpske i organa na nivou kantona u Federaciji BiH u oblasti borbe protiv korupcije. U Zeničko-dobojskom kantonu je uveden organizacioni okvir identičan kao i u RS- i to je model koji izuzetno dobro funkcioniše. Zahvaljujem se Vladi ZDK i Timu za borbu protiv korupcije koji su prepoznali značaj saradnje i razmjene iskustava u ovoj oblasti", kazala je Jelena Vukadinović, pomoćnica ministra pravde RS. Zeničko-dobojski kanton dobio je Strategiju i Plan borbe protiv korupcije, a nakon toga osmišljen je čitav niz aktivnosti koje podrazumijevaju prevenciju i borbu

protiv korupcije u svim oblastima. "Sve institucije u ZDK imaju koordinate koji prate provođenje Akcionog plana za borbu protiv korupcije, imaju operativne planove sa jasno definisanim aktivnostima koje trebaju provesti, a u izradi su i planovi integriteta koji podrazumijevaju akte u kojima će svaka institucija prepoznati rizike u okviru svoje djelatnosti koje dovode do pojave koruptivnog ponašanja, a onda i do krivičnog djela što već ulazi u polje represivnih mjera za koje su nadležne druge institucije", kazala je Meliha Omerspahić, predsjednica Tima Vlade ZDK za borbu protiv korupcije. ACCOUNT je podržao i sa Timom Vlade ZDK za borbu protiv korupcije, radio na izradi antikoruptivnih strateških dokumenta, a uporedo je sa Ministarstvom pravde RS radio na promociji Zakona o zaštiti prijavitelja korupcije kao i na razvijanju efikasnih mehanizama besplatne pravne pomoći.

Prevenција i borba protiv korupcije u Općini Travnik: Jedni od rijetkih u BiH imamo Akcioni plan i plan integriteta

27. novembar 2018

Prevenција i borba protiv korupcije je jako važna, jer korupcija slabi ekonomiju, šteti demokratiji i vladavini prava. Općina Travnik kao veoma značajnu aktivnost ističe prevenciju koruptivnih radnji zbog čega je, između ostalog donijela, jedina u SBK, i dvogodišnji Akcioni plan za prevenciju i sprječavanje korupcije jedinstvenog tijela uprave Općine Travnik 2018-2020 i plan integriteta. Formirano je i radno tijelo kao pomoćno tijelo načelnika Općine koje ima zadatak da prima prijave i mišljenja o koruptivnim pojavama u Općini Travnik koje mu upute pravne i fizičke osobe. Radno tijelo Općine koje se bavi prevencijom i borbom protiv korupcije u ovoj ustanovi provelo je i Anketu među uposlenicima, sa posebnim naglaskom na svijest o transparentnosti rada Općine i uposlenika.

